



病毒來咧

舊年年下，正聽著新聞報新冠病毒，大部分人還來毋掣了解這係麼个病毒个時節，病毒早就遭到滿哪都係，如今，全世界已經有超過百萬儕著病、幾萬儕過身，為著驚病毒大遶，有兜國家封國、有兜地方封城，本成人山人海个飛行機場、觀光區、街路索恬，嘎變到空空無半儕，飯店無人戴、生理人無好絡食、計程車等無人客，病毒毋單淨會害死人，還摻經濟打落到會毋直恁傷重，乜摻恁个生活減到鬻蓬蓬。

病毒經毋著，無人知佢因在哪位，盡難處理，加上新冠病毒遭恁遽，所以，講著病毒，儕儕就驚，大體人就會自動做基本个防疫，比論講，出門戴嘴摻仔、用酒精消毒、用茶箍洗手、量體溫…等等，就驚有哪位無好先就分遶著病毒。這兜基本个防疫在平常時無麼个问题，係藥品用忒咧，去藥房買就有，毋使愁買無，但係，新冠病毒來咧，大家一驚啊去，就放勢買，還嘴摻仔、酒精、衛生紙、食糧…，一項搶過一項，手腳慢个人還買無，大家分病毒減到礮礮春春，政府還愛出面喊大家毋好搶買東西，可見，病毒毋係傷害人个身體定定，還當傷害心理。好得，有頭擺 SARS 个經驗，政府知愛先管制嘴摻仔，分配運用，再過想辦法增產，過無幾久，就又有嘴摻仔、酒精好買咧，政府領等來做防疫，百姓少忒盡多愁慮。

大流行个傳染病摻普通个病疾完全無共樣，毋係自我管理好就罈擺，絕對愛所有人來共下合作，正有法度砑下來，係有人無配合，該就有可能會大遶，變成國家級个大災害，盡難收山。這擺堵著新冠病毒，該載政府恁遽減少病毒從外國傳落來，還過，臺灣人有發揮公德心，除忒少數人違反規定以外，多數人還係會遵守，正無造成國內个病毒大流行，日常生活運作做得照常進行，無忒多个改變，這摻當多先進國家个情況比較起來，係十分難得个結果，難怪有恁多人會想煞煞從世界各地轉來臺灣。

新冠病毒來咧！也堵好做得提來檢驗恁个社會制度有麼个優缺點。優點方面，臺灣有健保制度，大家毋使愁會無錢好脛病，人一感著毋鬆爽，黏時做得去分先生脛，做檢查，一下就知有遶著病毒無，毋會拖到當嚴重，遶分當多人。健保系統還做得登記買嘴摻仔，公平分配，毋會有人多買、有人買毋著。臺灣係民主國家，病毒資訊宣佈當清楚，大家做得了解現況，減少儘採胚想，亂傳消息。制度缺點方面，就係有兜愛隔離个人會滿片走，影響防疫，這可能愛尋較有效个方法來管制。總講，事情無十全十美个，用爽球來打比方，臺灣面對新冠病毒爽好前半場咧，當然，恁會希望後半場爽到還較好。

作者：林伯殷

☆詞彙學習☆

- | | |
|---------------------------|-------------------------------------|
| 【遶】che`：傳染。 | 【礮礮春春】lung lung zhung` zhung`：慌慌張張。 |
| 【索恬】sog` diam`：立刻變沈靜。 | 【罈擺】la` bai`：夠了。 |
| 【會毋直】fui` m chid：事態十分嚴重。 | 【砑下來】zag` ha` loi：壓下來，比喻解決問題了。 |
| 【傷重】shong` diong`：非常嚴重。 | 【收山】shiu` san`：指結束事業了。 |
| 【鬻蓬蓬】nung pang pang：亂七八糟。 | 【打比方】da` bi` fong`：比喻。 |
| 【嘴摻仔】zhe` em` er`：口罩。 | |